

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-20189/24
Sarajevo, 09.10.2024. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU

o izboru najpovoljnijeg ponuđača - Izvođenje radova na izgradnji javne rasvjete LOT 1, LOT 2, LOT 3 – LOT 1

I

Prihvata se preporuka Komisije za javnu nabavku radova i okvirni sporazum u postupku javne nabavke - Izvođenje radova na izgradnji javne rasvjete LOT 1, LOT 2, LOT 3 – LOT 1, broj obavještenja 422-1-3-181-3-242/24 objavljeno na Portalu javnih nabavki BiH dana 15.8.2024.godine, Ispravka tenderske dokumentacije TD_IZM1_422-1-3-181_24 i u “Službenom glasniku BiH”– Oglasnik javne nabavke broj 57/24, dodjeljuje se grupi ponuđača “Step” d.o.o. Sarajevo i “Bosman” d.o.o. Sarajevo sa ponudom u iznosu od 170.940,14 KM bez PDV-a, odnosno 199.999,96 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-20189/24 od 09.8.2024.godine Općina Novi Grad Sarajevo pokrenula je otvoreni postupak javne nabavke – Izvođenje radova na izgradnji javne rasvjete LOT 1, LOT 2, LOT 3, broj obavještenja 422-1-3-181-3-242/24 objavljeno na Portalu javnih nabavki BiH dana 15.8.2024.godine, Ispravka tenderske dokumentacije TD_IZM1_422-1-3-181_24 i u “Službenom glasniku BiH”–Oglasnik javne nabavke broj 57/24 od 23.8.2024.godine. Procijenjena vrijednost za predmetnu nabavku za LOT 1 iznosi 170.940,17 KM bez PDV-a, odnosno 200.000,00KM sa PDV-om.

Zapisnikom o otvaranju ponuda od 09.9.2024. godine Komisija je konstatovala da su u predviđenom roku u propisno upakovanim kovertama pristigle dvije (2) ponude grupe ponuđača:

1. „Step” d.o.o. Sarajevo i “Bosman” d.o.o. Sarajevo
2. „Teslaluks” d.o.o. Sarajevo i “Džekos” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da grupa ponuđača "Teslaluks" d.o.o. Sarajevo i "Džekos" d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri kalendarske godine uspješno izvršio najmanje jedan ugovor koji za predmet ugovora ima radove izgradnje javne rasvjete ili slične radove vrijednosti najmanje 200.000,00 KM sa PDV-om za LOT 1, a tačkom 3.4.2. (a) propisano je da se navedeno dokazuje dostavljenjem liste izvršenih ugovora ponuđača kao dokaz da je u protekle tri godine uspješno izvršio najmanje jedan ugovor koji za predmet ugovora ima radove izgradnje javne rasvjete ili slične radove vrijednosti najmanje 200.000,00 KM sa PDV-om za LOT 1. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima radove izgradnje javne rasvjete ili slične radove vrijednosti najmanje 200.000,00 KM sa PDV-om koju je izdala ugovorna strana – naručilac radova, a koja sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.

Ponuđač je na stranici broj 44. ponude dostavio potvrdu o uredno realiziranom ugovoru koju je izdao „Kemokop“ d.o.o. Tuzla od 09.03.2022.godine gdje se navodi da je ponuđač „Teslaluks“ d.o.o. Sarajevo uspješno izvršio ugovor „Izvođenje radova na rekonstrukciji, nadogradnji i proširenju javne rasvjete u krugu objekta Kemokop d.o.o. Tuzla“ sa ukupnom vrijednošću u iznosu od 168.263,55KM sa PDV-om. Na stranici broj 47. ponude ponuđač je dostavio potvrdu o uredno realiziranom ugovoru koju je izdala Općina Travnik broj 01-04-21-18-1944/22 od 18.8.2022. godine za dva realizirana ugovora koji se odnose na radove izgradnje javne rasvjete i to jedan sa ukupnom vrijednošću od 65.833,56KM sa PDV-om i drugi sa ukupnom vrijednošću od 92.380,86KM sa PDV-om.

Obzirom da je navedenom tačkom tenderske dokumentacije utvrđeno da je ponuđač dužan dostaviti potvrdu da je uspješno izvršio najmanje jedan ugovor vrijednosti najmanje 200.000,00KM sa PDV-om. Komisija je konstatovala da grupa ponuđača ne ispunjava uslov tražen ovom tačkom tenderske dokumentacije u pogledu vrijednosti radova jer su dostavljene potvrde za pojedinačne izvršene ugovore niže od vrijednosti tražene navedenom tačkom, tj manje od 200.000,00KM sa PDV-om.

Nadalje Komisija je konstatovala da grupa ponuđača "Teslaluks" d.o.o. Sarajevo i "Džekos" d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (b) tehnička i profesionalna sposobnost - da je jedno lice VSS građevinske ili arhitektonske struke u radnom odnosu na neodređeno vrijeme zaposleno kod ponuđača sa položenim stručnim ispitom i radnim iskustvom od najmanje 5 /pet/ godina, a što se dokazuje shodno tački 3.4.2. pod b) tenderske dokumentacije: *Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske struke sa datumom izdavanja ne starijim od 30 dana računajući od dana utvrđenog kao krajnji rok za predaju ponuda (original ili ovjerena kopija).*

Ponuđač "Teslaluks" d.o.o. Sarajevo i "Džekos" d.o.o. Sarajevo je u svojoj ponudi na stranici broj 55. dostavio Potvrdu o radnom iskustvu broj 691/24 za diplomiranog inženjera gdje se navodi da je lice zaposleno kao VSS u pravnom licu "Džekos" d.o.o. Sarajevo od 03.05.2012.godine. Na stranicama broj 50. i 51. ponude priložena je Lista osiguranih lica koju je izdala Porezna uprava FBiH-Porezna ispostava Ilidža broj 13-9/5-12-5-5204-2/24 od 13.8.2024.godine, gdje se vidi da je lice za koje je dostavljena potvrda prijavljeno na neodređeno vrijeme od 01.11.2022. godine kao VSS.

Obzirom da je navedenom tačkom tenderske dokumentacije naznačeno da se ispunjenje ove tačke tenderske dokumentacije dokazuje potvrdom *izdatom od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske struke*, to je Komisija konstatovala kontradiktornosti u ponudi u odnosu na postavljeni uslov, jer uvidom u Listu osiguranih lica za obveznika izdatu od Porezne ispostave Ilidža utvrđeno je da je datum početka osiguranja 01.11.2022.godine. Iako se u potvrdi navodi da VSS diplomirani inženjer ima više od 5 godina radnog iskustva, Komisija to nije mogla cijiniti kao dokaz ispunjenja kvalifikacionog uslova traženog tenderskom dokumentacijom, jer nije precizno navedeno od kada je imenovani zaposlen u pravnom licu "Džekos" d.o.o. Sarajevo.

Iz naprijed navedenih razloga utvrđeno je da ponuda grupe ponuđača "Teslaluks" d.o.o. Sarajevo i "Džekos" d.o.o. Sarajevo ne ispunjava uslove tražene u tenderskoj dokumentaciji iz tački 3.4.2.(a) i 3.4.2. (b) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Nadalje, Komisija je pristupila analizi i procjeni preostale ponude, te utvrdila da dostavljena ponuda grupe ponuđača "Step" d.o.o. Sarajevo i "Bosman" d.o.o. Sarajevo ispunjava kvalifikacione uslove tražene u tenderskoj dokumentaciji. Izvršena je računaska kontrola ponuda te je konstatovano da je dostavljena ponuda računski ispravna.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 4. stav (2) Pravilnika o uslovima i načinu korištenja e-aukcije „Službeni glasnik BiH“– Oglasnik javne nabavke broj 80/23, odlučeno je da će se predmetni postupak okončati u skladu sa članom 64. Zakona o javnim nabavkama BiH.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije



DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik

mr. Semir Efendić

